

Uunga siunnersuut: Suliniutini angisuuni illuliortiternernik sanaartornernillu suliaasat pillugit inatsisartut inatsisaata allanngortinnissaa pillugu Inatsisartut inatsisaat nr. xx, xx. xx 2019-imeersoq

(Inuussutissarsiornermut Nukissiuuteqarnermullu Naalakkersuisoq)

Saqqummiussissut

(Inuussutissarsiornermut Nukissiuuteqarnermullu Naalakkersuisoq)

Siullermeerneqarnera

Naalakkersuisut sinnerlugit matumuuna suliniutinut angisuunut inatsisip allanngortinnissaa pillugu Inatsisartut inatsisissaattut siunnersuut saqqummiutissavara.

Siunnersuutikkut suliniutinut angisuunut inatsimmi malittarisassat qanoq ilinikkut atortinneqarsinnaanersut aningaasat killeqarfiat 5 milliarder kr.-nit 1 milliard kr.-nut allanngortinneqassaaq. Tamatuma saniatigut inatsisip atugaqarfissaata allineqarnissaa siunnersuutigineqarpoq, suliniutinut angisuunut tunngatillugu sanaartornerup nalaani nerisassiorneq, nerisarfinnik kantiinanik ingerlatsineq, eqqiaaneq suliallu assigisaat aamma kiffartuussinerit inatsimmut ilaasussanngortillugit.

Kalaallit Nunaat aatsitassarsiornermut aamma erngup nukingata innaallagissiornermut atorneqartarneranut suliniutinut nunanit allanit aningaasaliiumasunik kajungernassappat nunanik allanik unammillerteqassaaq. Taamaammat suliniutinut taamaattunut sanaartornermut aningaasartuutit nunanut allanut naleqqiullugit unammillersinnaanissaat pingaarpoq.

Allannguutissatut siunnersuutit kingunerissavaat erngup nukinganik aamma piiaanermik suliniuteqarfiulersinnaasut neriulluarnarsinnaasullu amerlanerusut nunat tamalaat akornanni unammillernikkut atugassarisat toqqammavigalugit suliarinnittussarsiuunneqarsinnaalissammata.

2018-imi ukiakkut ataatsimiinnermi erngup nukingata innaallagissiornermut atorneqartarnera pillugu Inatsisartut inatsisaat nutaaq akuerineqarpoq, siunertaraluguttaaq inatsisiliorneq ajornaannerulerpat killilersuivallaaranilu imermit nukissiornermik suliniutinut aningaasaliisinnaasunut kajungernarnerulissasoq.

Ullumikkut Kalaallit Nunaanni suliffissarsiorlut ikipput suliffeqarfeqarfiullu immikkoortuisa ilaani sulisoqarnikkut akunnassiffeqartarpoq. Taamaattumik sulisussat

sulianillu paasisimannittut nunanit allaneersut atorfissaqartinneqarput suliniutinut angisuunut pilersaarutit piviusunngortinnissaannut, inuussutissarsiorfissani nutaani inuiaqatigiinnit pisariaqartinneqartuni suliffissanik ataavartumik pilersitsisinnaasut.

Taamatut oqaaseqarlunga siunnersuut Inatsisartunut kajumittumik suliassanngortippara.